

et longe setosis, tarsis posticis articulo primo secundo paullo longiore, tertio primo aequae longo, aroliis unguiculorum parallelis.

Ab *Hadronema* Uhl. capite longius rostrato-producto, antennis pedibusque longioribus praecipueque structura insigni pronoti distincta.

*Hadronemidea esau* n. sp. Nigra, opaca, pilis longis erectis nigris pilosa marginibusque pilis longis exsertis ciliatis; pronoto propleurisque miniatis, illo macula magna apicali fere tertiam basalem partem attingente, posterius rotundata, his limbo anteriore nigris; hemielytris limbo laterali sat late acetabulisque margine tenuissime albis. ♀. Long.  $5\frac{1}{4}$ , lat.  $1\frac{3}{4}$  mm.

Takubaya, 1 ♀; Chapultepek, m. Octobris, 1 ♀.

*Hadronemae militari* Uhl. colore simillima. Caput longe nigro-setosum, basi pronoti circiter  $\frac{1}{4}$  angustius, vertice oculo circiter triplo latiore. Antennae sat longe nigro-setosae, articulo secundo primo circiter  $2\frac{1}{2}$  et margine basali pronoti paullulum longiore, tertio secundo, quarto primo aequae longo. Pronotum latitudine basali vix magis quam  $\frac{1}{5}$  brevius, apice quam basi fere dimidio angustius, disco scabro, pilis longissimis erectis piloso, marginibus pilis longissimis nigris exsertis ciliatis. Scutellum, clavus, corium et cuneus pilis erectis nigris longis dense pilosa, margine laterali exteriori corii et cunei longe ciliatis, membrana tota nigra, opaca. Femora brevius pilosa, superne apice inferneque setis longis exsertis. Tibiae setis nigris longis exsertis instructae, setis marginis superioris longissimis; tibiae posticae longissimae, margini exteriori corii et cunei aequae longae et tarsis fere quadruplo longiores.

*Chius maculatus* Dist.

Pedregall, m. Decembris.

*Parachius luteus* Dist.

Pedregall.

*Cyrtopeltis notata* (Dist.). — *Neoprobea notata* Dist., Biol. Centr.-Amer., Rhynch. Heter., I, p. 432.

Cornu Vacca, m. Januarii; Tacubaya; Guadalupe.

*Annona bimaculata* Dist.

Orizaba, mens. Februarii, Martii, Junii et Novembris.

### Div. *Cyllocoraria* m.

*Paraprobea fasciolata* n. sp. Albida, tota laevis et glabra, nitida; capite clypeo, loris, circulo medio frontis maculaque transversali capitis inter angulos posticorum oculorum posita, pronoto angulis anticis et posticis maculisque duabus late distantibus discis postici, scutello angulis basalibus marginibusque lateralibus usque in apicem, hemielytris margine scutellari et commissura tenuiter fasciolaque transversali corii mox ante angulum interiorem, extrorsum attenuata et ante marginem anteriorem abrupta caryophylleo-fuscis; antennis pedibusque albidis, illarum articulo primo capiti a latere viso longitudine subaequali, inferne basin versus fusco, secundo primo circiter  $2\frac{3}{4}$  longiore, basi et apice nigricanti-fusco; hemielytris vitreis vel albido-diaphanis, pallido-pubescentibus; membrana vena brachiali leviter fusciscente, cubitali et connectente margineque interiore cunei virescentibus. ♀. Long.  $3\frac{2}{3}$ , lat.  $1\frac{3}{4}$  mm.

Cornu Vacca, m. Januarii; Orizaba, m. Martii.